


C40  
4514  
90





三ノ月



徑山化城恒瑞祥

C 40-4514



B 64853



皇圖鞏固

帝衢遐昌

佛日增輝

澆輪常轉

佛說眾許摩訶帝經卷第一

宋奘譯經三藏朝散大夫武鴻臚少卿明教大師臣法賢奉詔譯

如是我聞一時佛在迦毗羅國尼俱陀林中爾時迦毗羅國有大釋眾而自思惟我佛世尊於過去世何處所生何姓何族有何因緣而思惟已告諸眾曰釋迦世尊於過去世何處所生何姓何族有何因緣我等今者欲往佛所而問此義如佛所說依教受持如是言已與大釋眾即往佛所頭面禮足依位而坐爾時迦毗羅國大釋眾白佛言世尊我等大釋眾住迦毗羅國精舍之中而忽思惟我佛世尊於過去世何

處所生何姓何族有何因緣我等不知今與釋衆來詣佛所而問此義唯願世尊爲我宣說我等得聞依教受持

爾時世尊爲斷衆疑卽說此義告釋衆曰我先不欲宣說此義何以故所有諸魔外道若聞此事而復謗言沙門憍荅摩自說其美所樂卽說非樂不說有何所益

爾時大目犍連在大衆中卽從坐起瞻仰尊顏目不暫捨世尊告曰目連彼諸釋衆樂聞於我過去之事所生之處何姓何族有何因緣汝今志心而爲宣說爾時會中大目犍連默然思惟經須臾頃收僧伽梨永安在頭邊右脅枕卧累足不動入三摩地而復觀察世尊過去之世所生之處若姓若族及因緣事如實了知無其錯謬卽便出定於大衆前復坐本座尊者大目犍連告釋衆曰我於三昧觀彼憍荅摩往昔之事世界壞時彼諸衆生命終之後而得往生徧淨天中生彼天已諸根圓滿身相端嚴衆苦不生身心適悅色相光明騰空自在以天甘味而爲飲食壽量長時無中天者爾時大地大水所生滿虛空中猶如大海風吹波浪如煎熟乳其水清涼爲彼後時一切

衆生所食清淨最上地味爾時大目犍連復告衆言  
當爾劫壞衆生徧淨天者以彼天中福壽俱盡捨  
徧淨天生於人間所生之身亦如天界身相端嚴諸  
根無缺妙色廣大自有身光恒常照耀長壽喜樂騰  
空自在於其爾時無日月星辰無歲數月時等亦無  
男女衆生之相出生地味以爲飲食如是地味甘美  
細妙有情食已而生愛著於其後時貪味轉盛忽令  
身體而得沉重所有身光忽然不見於是世間普皆  
黑暗爾時有情見是世間普皆黑暗種種驚惶心生  
憂惱由是世間出現日月及星曜等始分晝夜及其

時候如有情壽命長遠無諸病惱於其地味貪著  
多者色相損減而獲醜惡貪著少者其身色相恒自  
端嚴如是隨心分別二相黑白果報而彼衆生互相  
憎嫉而成不善以不善故由此地味即便隱沒以隱  
沒故令諸衆生心生熱惱作如是言今無所食深苦  
深苦又復思惟最上地味云何隱沒未來衆生云何  
得食令生苦惱疲乏之患而不可知不可言說

爾時大地之中不义之間卽生地餅其味殊妙馨香  
甘美如迦梨尼迦羅花而諸衆生食此地餅充益身  
體長壽安樂身相端嚴氣力增盛若諸衆生貪食多

者色相損減貪食少者色相如故無其損減由此分別二相黑白而互相非行不善業令彼地餅隱沒不見以不見故而諸衆生復生苦惱作如是言深苦深苦又復思惟所生地餅云何隱沒其義不知而諸有情卽得饑困疲乏之苦未來衆生當於何食由是不久爲彼衆生復生林藤其色殊妙香味甘美如是有情食此林藤氣力增盛壽量長遠形色端嚴人相具足又彼衆生貪食多者色相損減貪食少者色相如故如有情分別二相黑白而互相非行不善業由是林藤隱沒不見旣不見已令諸衆生心生熱惱作

如是言苦哉苦哉如是美味云何隱沒其義不知我等云何而得飲食由是不久大地之中出生自然上味香稻其稻依時自然成熟爾時衆生卽取食之亦甚香美充益肢體壽量長遠由是爾時食於香稻漸覺腹內有所妨礙而卽思惟云何除去作是念已卽生二根男女差別形相各異爾時有情於色香味展轉愛著於自親愛而以香花衣服種種供養復以軟言慰喻歡喜令彼忻慶若有衆生於已非愛卽便輕毀種種訶責或以瓦石互相鬪打行不善行又彼衆生所有過去正法今爲非法過去律儀今爲非律儀

乃至晝夜時分亦顛倒分別譬如有人以斗量炭而爲平滿不正之行亦復如是以倒想故正法爲邪由是香稻亦復隱沒爾時大目犍連告釋衆言由香稻隱沒故令彼衆生逐日諸處尋求稻種而欲種之時有一人其性慵懶貪著財利雖有稻種而不能種此人知己而告之言汝有稻種與我少分我要種之彼人言曰我有香稻自要受用汝今若要我卽與汝於後一日二日乃至七日却還我稻此人言曰善哉善哉若一日二日乃至七日或未得還如至半月一月卽得還之作是言已卽自思惟自前香稻非種自生

不假勤力自在受用今得稻種須在田野廣施勤力晝夜相續方得生長如是念已心生苦惱涕淚悲泣又復思惟過去之世所有衆生色相端正諸根圓滿人相具足身心適悅身有光明騰空自在壽命長遠所食地味猶如天饌而於後時於此美食生貪著故身卽沉重光明卽滅於是世間皆黑暗又彼有情貪食少者身相不減貪食多者身相損減由此分別二相黑白互相輕毀行不善行由是爾時地味卽滅地餅復生色相殊妙甘美馨香增益諸根身心適悅壽命長遠貪食少者身相不減貪食多者身相損減



由此分別二相黑白互相輕毀行不善行爾時地餅亦復不見由此非久復生林藤色相殊妙其味甘美亦如天食充益肢體壽命長遠貪食少者身相不減貪食多者身相損減由此分別二相黑白互相輕毀行不善行爾時林藤亦復不見於是世間有自然香稻從地出生其味香美可長四指依時成熟其味甘美充益肢體壽量長遠由是衆生貪愛增故所有香稻亦沒不見是故今者求此稻種住於田野廣地勤力方得成熟雖生稻米其米漸小於是衆生貪著地利廣占田野競多種植而行非法生賊盜想於他田

種復行偷盜時有一人見是偷米如是一徧二徧乃至三徧而告言曰汝自有米何不自用云何於他而行偷盜從今之後勿更盜米賊聞是言猶不改過復於後時又行偷盜前人復見而責之曰前已誡汝勿行偷盜何故此時又亦作賊卽集多人共以責斷復於彼時於衆人中揀一具福德者立爲田王均分田土各令平等有不依法者令彼調伏田種若熟輸其少分以賞田王如是田王受行戒行安慰世間依法決斷合調伏者卽便調伏由此世間立刹帝利姓名三摩達多王王有大臣名爲有情其王後時生一太

子名爲愛子王有大臣名伊賀迦時愛子王生一太子名曰善友彼有大臣名帝羅迦時善友王復生一子名曰最上彼有大臣名阿跋羅建姪最上王有子名曰戒行彼有大臣名哆羅惹伽其王頂上生一肉皯其皯柔軟常以兜羅綿拂拂於肉皯無諸疼痛其皯後熟自然破裂生一童子福德端嚴具三十二相衆所愛重因以立名名頂生王纔下王頂卽入內宮爾時戒行王內宮之中有六萬宮人各有妳乳俱白王言我有妳乳願妳太子由此因緣亦名我妳王爾時世間所有衆生智慧漸增能細思惟稱量分別

微細之事或是或非及工巧等是故立名號摩努沙爾時六大天子壽命無量有六大臣一名有情二名伊賀羅三名帝羅迦四名阿跋羅建姪五名哆羅惹伽六名摩努惹如是六大臣聰明多智能治世間有大威德時頂生王於其右股生一肉皯其皯柔軟常以兜羅綿拂拂於肉皯無諸疼痛於後皯熟自然開裂生一童子身相端嚴具三十二相名爲尼嚕有大智慧福德無量爲金輪王統四天下尼嚕輪王於其後時在左股上亦生一皯其皯柔軟常以兜羅綿拂拂於肉皯無諸疼痛皯後還熟自然開裂生一童子

端正殊妙具三十二相名烏波尼嚕智慧深遠福德  
無量爲銀輪王統三天下烏波尼嚕王還於後時向  
右足上生一肉皯其皯柔軟亦以堯羅綿拂拂於肉  
皯無諸疼痛於後皯熟自然開裂生一童子身相端  
嚴具三十二相名室尼嚕福慧深厚爲銅輪王統二  
天下室尼嚕王於左足上有一肉皯其皯柔軟以堯  
羅綿拂拂於肉皯無諸疼痛於後皯熟自然開裂生  
一童子色相端正具三十二相名摩尼嚕福慧深厚  
爲鐵輪王統一天下爾時大目犍連告釋衆言如是  
王位相繼至今其數極多如是衆許王有子名爲愛

王愛王有子名善友王善友王有子名最上王最上  
王有子名戒行王戒行王有子名頂生王頂生王有  
子名尼嚕王尼嚕王有子名烏波尼嚕王烏波尼嚕  
王有子名室尼嚕王室尼嚕王有子名摩尼嚕王摩  
尼嚕王有子名嚕啣王嚕啣王有子名酥嚕啣王酥  
嚕啣王有子名母啣王母啣王有子名母啣鱗捺王  
母啣鱗捺王有子名阿誡王阿誡王有子名阿儼囉  
他王阿儼囉他王有子名婆儼囉他王婆儼囉他王  
有子名娑誡囉王娑誡囉王有子名摩賀娑誡囉王  
摩賀娑誡囉王有子名舍矩禰王舍矩禰王有子名

摩賀舍矩彌王摩賀舍矩彌王有子名矩舍王矩舍  
王有子名烏波矩舍王烏波矩舍王有子名摩賀矩  
舍王摩賀矩舍王有子名酥捺哩舍曩王酥捺哩舍  
曩王有子名摩賀酥捺哩舍曩王摩賀酥捺哩舍曩  
王有子名鉢囉拏耶王鉢囉拏耶王有子名摩賀鉢  
囉拏耶王摩賀鉢囉拏耶王有子名鉢囉拏那王鉢  
囉拏那王有子名摩賀鉢囉拏那王摩賀鉢囉拏那  
王有子名鉢囉半迦囉王鉢囉半迦囉王有子名鉢  
囉多波王鉢囉多波王有子名嚩彌嚩王嚩彌嚩王  
有子名彌嚩摩多王彌嚩摩多王有子名阿哩啣王

阿哩啣王有子名囉哩啣瑟摩王囉哩啣瑟摩王有  
子名曩哩啣瑟摩多王曩哩啣瑟摩多王有子名阿  
哩止娑滿多王如是等王子孫相繼共有一百大國  
王皆都布多羅迦城於最後王生其一王名降怨王  
彼王有大威德能降諸怨是故名降怨王如此王  
子孫相繼帝位不絕有五萬四千王都阿喻馱也城  
又此最後王復生一子名無能勝王彼王子孫相繼  
帝位相承有六萬天子都波羅奈國於最後王又生  
一子名耨鉢囉娑訶王子孫相繼有八萬四千王都  
緊閉羅城於最後王復生一子名梵授王子孫相繼

有三萬二千王都賀悉帝曩布里城於最後王復生  
一子名賀悉帝捺多王子孫相繼有五千王都怛叉  
尸羅城於最後王復生一子名娑多黎薩王子孫相  
繼有三萬二千王都烏囉娑大城於最後王復生一  
王名曩議曩囉曩王子孫相繼有三萬二千王都無  
能大城於最後王復生一王名勝軍王子孫相繼有  
一萬八千王都瞻波大城於最後王復生一子名龍  
天王子孫相繼有二萬五千王都怛摩黎多城於最  
後王復生一子名爲仁王子孫相繼有一萬二千王  
亦都怛摩黎多城於最後王復生一子名爲海王子

孫相繼有一萬八千王都難多布里也城於最後王  
復生二子名妙意王子孫相繼有二萬五千王都王  
舍城於最後王復生一子名娑多謨努那王子孫相  
繼有一百王亦都波羅奈國於最後王復生一子名  
大軍王子孫相繼有一千王都矩舍嚩帝大城於最  
後王復生一子名海軍王子孫相繼有一千王都補  
多羅迦城於最後王復生一子名娑多半尼囉王子  
孫相繼有八萬四千王都矩舍嚩帝城於最後王復  
生一王名摩呬目佉王子孫相繼有十萬王亦都波  
羅奈國於最後王復生一王名摩呬鉢帝王亦名地

三王子孫相繼有一百王都阿喻馱大城中於最後  
王復生一王名持世王子孫相繼有八萬四千王都  
彌體羅城於最後王復生一王名大天王梵行清淨  
子孫相繼有八萬四千王亦都彌體羅城於最後王  
復生一王名你彌王彼王復生摩娛努王摩娛努王  
復生涅里姪你彌佉努王涅里姪你彌佉努王復生  
嚕波佉努王嚕波佉努王復生佉努摩曩王佉努摩  
曩王復生佉努滿多王佉努滿多王復生酥涅里舍  
王酥涅里舍王復生娑涅里舍王娑涅里舍王復生  
酥嚕多細曩王酥嚕多細曩王復生達摩細曩王達

摩細曩王復生尾你多王尾你多王復生摩賀尾你  
多王摩賀尾你多王復生尾你多細曩王尾你多細  
曩王復生阿輸迦王阿輸迦王復生尾誡多輸迦王  
尾誡多輸迦王復生頗羅娑瑠王頗羅娑瑠王復生  
惹羅娑瑠王惹羅娑瑠王復生沒度摩囉王沒度摩  
囉王復生阿嚕拏王阿嚕拏王復生你扇波帝王你  
扇波帝王復生里娛王里娛王復生商迦囉迦王商  
迦囉迦王復生阿難那王阿難那王復生阿那里舍  
目佉王阿那里舍目佉王復生惹那迦王惹那迦王  
復生散惹曩佉王散惹曩佉王復生惹曩沙婆王惹

曩沙婆王復生案曩播曩王案曩播曩王復生鉢囉  
祖囉曩播曩王鉢囉祖囉曩播曩王復生阿囉多王  
阿囉多王復生波囉囉多王波囉囉多王復生鉢囉  
底瑟恥多王鉢囉底瑟恥多王復生酥鉢囉底瑟恥  
多王酥鉢囉底瑟恥多王復生摩賀摩羅王摩賀摩  
羅王復生嚩賀曩王嚩賀曩王復生酥摩帝王酥摩  
帝王復生涅里姪嚩賀王涅里姪嚩賀王復生捺捨  
駄努王捺捨駄努王復生設多駄努王設多駄努王  
復生曩嚩帝駄努王曩嚩帝駄努王復生室左怛囉  
駄努王室左怛囉駄努王復生尾囉多駄努王尾囉

多駄努王復生涅里姪駄努王涅里姪駄努王復生  
捺捨囉他王捺捨囉他王復生設多囉他王設多囉  
他王復生曩嚩帝囉他王曩嚩帝囉他王復生啣怛  
囉囉他王啣怛囉囉他王復生涅里姪囉他王如是  
等子孫相繼七萬七千王都僧迦大城又最後王復  
生一王名阿末麗沙王彼王有子名龍護王子孫相  
繼一百王都波羅奈國又於最後王生其一子名訖  
哩吉王爾時迦葉如來應供正徧知明行足善逝世  
間解無上士調御丈夫天人師佛世尊出見世間彼  
佛世尊爲菩薩時持戒梵行發大誓願求無上覺於

兜率天而爲補處機緣成熟下生於訖哩吉王宮捨位修行而成佛道

爾時訖哩吉王有一太子名曰善生此善生王復生王子如是子孫相繼有一百王其最後王復生一子名迦囉拏王於其後時生二王子一名瞿曇二名婆囉捺疇惹此之王子愛樂王宮貪於國位恒自思惟安慰世間行於王事爾時瞿曇王子恒復思惟衆生生死沉沒三塗苦惱輪迴而難出離作是念已卽詣父王稽首拜跪而白王曰我今不樂王宮欲於山野修習梵行而求出家王卽告言汝爲我子所有國土

及於王位宰輔大臣如在指掌何故輕棄而求出家瞿曇白言大王我觀三界如幻如化無其堅實念念無常何堪愛樂我於今日辭王出家王旣聞已知子志意卽便聽許

爾時山中有一仙人名訖哩瑟拏吠波野拏於其山間以草爲菴居止修行時瞿曇童子卽往彼處踊躍歡喜五體投地頂禮仙足而白仙曰我別王宮來於此處奉事仙人願賜攝受如是仙人觀於太子志意堅固卽便攝受爾時童子卽於山間採果給水奉事仙人如是辛勤累經歲月師以彼童精勤不退卽爲



立號亦名仙人於後父王迦囉拏而乃命終時弟婆  
囉捺惹卽紹王位行其國事時瞿曇仙人知王命終  
告本師曰我今不能於其山中採果給水欲往城中  
而自任止師卽告言瞿曇汝先來此善任山野何故  
於今却往城邑汝今去時勿往城內只於補多落迦  
城側近寂靜之處卓菴居止守護諸根精進梵行瞿  
曇童子聞是語已卽往補多落迦大城之外寂靜之  
處卓菴結志崇修梵行

佛說衆許摩訶帝經卷第一終

金陵居士陳丹衷 助刻  
衆許摩訶帝經卷第一 計字五千一百六十  
入個 該銀二兩五錢八分四厘 伏願  
諸根頓淨福慧齊圓一切有情同登正覺者  
姑蘇釋子契機對  
崇禎九年孟春月徑山化城寺識

佛說衆許摩訶帝經卷第二

宋西天譯經三藏朝散大夫諡鴻臚少卿明教大師慧賢奉 詔譯

爾時補多落迦大城有一婬女色相端嚴形體殊妙  
時有一人名彌里拏羅於此女人而生耽染卽以金  
銀珠寶上妙衣服而給與之忽於後時復有一人於  
此婬女亦生愛著告婬女言我以金錢五百與汝受  
用汝可隨吾同爲娛樂婬女聞已卽與同行乃令侍  
婢往白彌里拏羅今有他適未遑相就拏羅聞言卽  
告婢曰彼若歸家速令來至我任園林之中婢廻本  
舍具以其事白於婬女婬女聞已略無行意婢知不

允復往彌里拏羅處具說姪女違背之事彼人聞已  
心生忿怒遣婢勸說速令至我園林之中婢既受教  
以種種方便誘引姪女姪女遂行彼人見已訶責之  
曰我自昔來恒以衣服寶貨財物而常給濟何故於  
今棄背於我卽持利劍殺彼姪女爾時瞿曇菴舍近  
彼園林彌里拏羅潛將所執利劍送置菴內而遂遁  
去時姪女婢高聲唱言此處殺人衆多聞已俱詣仙  
人所居菴舍獲彼利刃鮮血尚存衆人責言汝是仙  
人何故於今而行殺害作是語已卽以繩索縛仙人  
手送往城中至王殿前衆人告曰此是出家仙人棄

背梵行行不淨行復以利劍斷姪女命王聞是事心  
生忿怒卽遣出城令以木簽貫其支體王宣令已是  
時仙人頂戴花鬘身著青衣從者周廻手執器仗高  
聲唱言此是犯戒殺人之賊爾時仙人都無怯怖至  
城門外卽依王法

爾時本師訖里瑟拏吠波野曩仙人來至菴中不見  
弟子卽往隣近漸次尋訪忽見弟子縛其手足在木  
簽上受如是苦師既見已身毛驚豎悲淚泣問其  
弟子汝何如是有斯過罪又汝此身受諸苦惱晝夜  
疼痛云何當忍弟子白言大仙我於此身求諸疼痛

系  
二  
本二  
都不可得師曰汝何如是離其苦惱弟子白言我對  
師前發誠實願若吾此事實無疼痛卽令我師身爲  
金色作是願已經剎那頃師自變身作真金色一切  
人衆皆悉見之是故立名金色仙人爾時弟子復問  
師曰我此命終當生何處師曰准婆羅門法若絕嗣  
子卽無生處弟子白言我作童子不樂王宮捨位出  
家豈有子耶師卽告曰汝於今者何不思念在王宮  
時娛樂之事弟子白言我今此身見受王法苦相如  
是云何而能思前娛樂

爾時金色仙人具大神通經剎那間於虛空中降大

風雨淋弟子身卽得清涼離諸苦惱平復如故由是  
弟子思前快樂而生欲心滴二滴精墮地面上爾時  
瞿曇仙人有四思惟一思惟自身二思惟衆生三思  
惟衆生成佛四思惟一切佛剎如是思已其二滴精  
結成二卵每日出時被日所照不久之間其卵自破  
生二童子色相端正瞿曇仙人將此二童子入甘蔗  
園棲泊居止瞿曇因日所炙尋卽命終爾時金色仙  
人來入園中問言童子汝誰人耶童子荅言我卽瞿  
曇所生之子金仙聞已心生歡喜因挈二童歸養養  
育以初生時卵因日照乃爲立名名爲日族爲第一

姓復是瞿曇所生之子因立瞿曇爲第二姓又是自身所生因立阿儼囉娑爲第三姓由於甘蔗園中收得養育因立甘蔗爲第四姓

爾時有大國王名婆羅捺疇惹其王命終無子嗣位輔相大臣共議斯事未委何人可當灌頂王位有一大臣白群臣言先迦囉拏王有一太子名曰瞿曇捨父王位於山林間事訖里瑟拏吠波野曩仙人彼是釋種可得紹嗣灌頂王位群臣聞已卽往山中詣仙人所頭面禮足白言大仙過去迦囉拏王有一太子名曰瞿曇今在何處大仙白言久已命終復爲群臣

具說上事大臣聞已心生懊惱我等今者甚得大罪作是語已見二童子身相端嚴問是誰耶金仙荅言此卽瞿曇所生之子群臣聞已俱懷踊躍今此童子是王種族卽令繼紹灌頂王位是故立姓名甘蔗王此王之後子孫相繼有一百甘蔗王都補多落迦城其最後甘蔗王生其四子一名烏羅迦目佉二名迦羅尼三名賀悉帝曩野四名蘇曩希囉迦生四王子已於其後時妃后命終王卽愁惱以手揩頤情懷悲痛時有大臣見王不樂而共奏言大王云何而懷愁惱神情不悅王卽荅言我爲妃后今忽無常有斯痛

苦大臣聞已而白王言我聞隣國小王王有一女具  
大福德端正殊妙堪爲國后王語群臣彼小國王欲  
侵我境云何成親大臣白言別有小國亦生端正殊  
勝之女若納爲妃甚適王情王旣聞已卽遣使臣往  
彼小國具述王意欲娉其女立爲妃后小王聞已歡  
喜慶慰乃告使臣若大國王欲娉我女立爲妃后如  
生男子令紹灌頂王位我卽許之使臣廻國具奏上  
事王聞所奏深情不悅我有長子合紹王位云何幼  
小而得立耶大臣白言但且娉納後時有子男女未  
定王聞是語卽以金銀珍寶羅紉疋帛嚴身之具迎

娶歸國於後懷妊凡經九月載生一子身相端嚴乃  
於生辰群臣慶賀王曰今我是子當立何名大臣奏  
言彼小國王納女爲妃貴生太子繼王寶位今請立  
名名爲樂王命八夫人而爲乳母養育太子爾時大  
王欲令長子紹嗣王位其小國王知是事已心生忿  
怒卽遣使臣具論前事先許我女生子爲王何故於  
今自違言約脫或如是我卽廣將兵衆討滅汝國時  
大國王聞此語已卽生愁惱告大臣言棄長立幼於  
理非宜群臣奏言彼小國王心力豪強善於兵戰舉  
戈犯境必貽敗衄若遣長子速疾出外卽我家國當

免兵禍王聞是語默然未允爾時大臣共設權謀卽於近郊造一御園亭池花果林鬱池沼流泉飛閣處處徧滿復以沉檀香木雜寶纓絡種種嚴飾殿宇樓觀爾時大王長子與諸臣僚出城遊賞見此園林訪問左右是誰所有從臣對曰此是御園太子聞已卽時廻馬左右勸請暫入觀覽太子告曰皇王御死我何敢往從臣復曰若是臣下及諸庶民卽不得入國王長子遊翫無妨是時太子卽便入園作樂嬉戲有一大臣上請於王先造御園今已成就請王觀看王聞所奏卽時臨幸俯近苑囿忽聞作樂王心疑慮大

臣白言太子先是在此作樂王遂赫怒我造此園未曾遊觀云何太子先入作樂其罪難捨卽令出國大臣諫諍王怒不已尋下詔命許將僕從及其眷屬與限七日出離國城太子承父王勅卽與臣僚及諸親愛出補多落迦大城去城匪遙而自安止王復遣令遠處居住時雪山側婆擬囉河岸邊有一仙人名迦毗羅淨持梵行菴居修道太子復將眷屬依止仙人採獵禽獸以活其命於後太子憶念色慾顏容瘦悴仙人疑問太子具言我思姪樂而致斯苦仙人白言勿於親姊而行欲事餘可隨意太子耽著男女衆多

雜戲喧鬧日月滋甚仙人心不虛靜根識散亂卽告  
太子我今欲往別處營居太子聞之深自慙感大仙  
於此修行歲久道果已就不可遷移我於今辰將領  
眷屬別求任止仙人聞已甚適本心卽於菴居側近  
之處揀殊勝地以金瓶水澆地爲界令太子住其後  
人民熾盛眷屬繁多依界修城因建國土名迦毗羅  
國復於後時有賢人指引別造一城名曰指城王於  
此城亦號都邑

爾時尾嚕茶迦王問大臣曰我之太子今在何處大  
臣曰言今在雪山南婆擬羅河側迦毗羅城建二大  
城以爲都邑臣僚士庶骨肉眷屬富盛繁多有如大  
國時尾嚕茶迦甘蔗王曲躬俛首問大臣言我之童  
子能有此事大臣白言太子仁德致茲雄盛因立姓  
氏尾嚕茶迦甘蔗王命終之後能仁嗣位能仁有子  
名烏羅迦目迦王烏羅迦目迦王有子名若迦拏王  
若迦拏王有子名賀悉帝王賀悉帝王有子名努布  
囉迦王努布囉迦王有子名烏布囉迦王如是子孫  
相繼有五萬五千王都迦毗羅大城於後復有一王  
名十車王十車王後有九十車王九十車王後有百  
車王百車王後有畫車王畫車王後有最勝車王最



勝車王後有牢車王牢車王後有十弓王十弓王後有九十弓王九十弓王後有百弓王百弓王後有最勝弓王最勝弓王之後有畫弓王畫弓王之後有牢弓王此王於南閻浮提弓射第一時牢弓王有其二子一名星賀賀努王二名師子吼王爾時星賀賀努王生其四子一名淨飯王二名白飯王三名斛飯王四名甘露飯王淨飯王有二子一名悉達多二名難陀白飯王有二子一名娑帝踈嚕二名娑捺哩迦斛飯王有二子一名摩賀曩麼二名阿你樓駄甘露飯王有二子一名阿難陀二名提婆達多淨飯王有女

名蘇鉢囉白飯王有女名鉢怛囉摩黎斛飯王有女名跋捺黎甘露飯王有女名細嚕羅悉達多有子名羅怛羅此之佛子是過去衆許王種族今值佛世隨佛出家了悟生死善斷輪迴契證真空而成聖位爾時大目犍連說是語已卽從座起合掌向佛佛言汝復本座善哉善哉汝能爲諸苾芻說於釋種過去所生種姓之事令諸苾芻快得善利長夜安隱時諸釋衆皆大歡喜信受奉行

爾時迦毗羅國王星賀賀努王具大福德資財無量人民熾盛國土豐實去此不遠有一國土名曰天指

城有王名酥鉢囉沒馱其國大富金銀珍寶處處盈  
滿彼王有妃名龍弭彌身色端嚴諸相具足於其國  
內有一長者宿植善本福德純厚眷屬熾盛庫藏衆  
多如毗沙門天王

爾時長者有一園苑衆卉名花流泉浴池亭臺樓閣  
異獸靈禽無不具足時酥鉢囉沒馱王與其妃后及  
其眷屬來於此園作樂遊戲時彼妃后見此園林種  
種華煥心生愛樂卽告於王我要此園恒以遊戲王  
白妃言惟此園林長者所有云何能得我爲國王當  
自剗造卽命國人大興園苑泉池臺觀勝絕第一名

龍弭彌爾時酥鉢囉沒馱王長夜思惟我今云何  
得生一子爲金輪王如是思念忽於後時妃乃有娠  
懷妊九月誕生一女顏貌端正諸相具足福德智慧  
於其世間最爲殊勝如是衆人覩斯福相俱言希有  
應是毗首羯摩天所作或是幻化所成女生之後一  
日二日至三七日王爲此女集諸戚里及群臣等慶  
賀作樂卽爲立名名爲摩耶其女身相而有八乳相  
師占曰此女後時當生貴子紹灌頂王位又於後時  
復生一女端嚴福相最爲其上初生之時有大光明  
徧照國城祥瑞非常因慶賀日卽爲立名名摩賀摩

經

卷之三

九

命二

經

卷之三

九

命二

耶相師占曰此女生男具三十二相爲金輪王  
爾時酥鉢囉沒馱王聞彼星賀賀努王太子具有賢  
德卽遣使人告彼國王我有二女一名摩耶二名摩  
賀摩耶初生之時師占言此之二女若後生子具三  
十二相爲金輪王星賀賀努王聞已告淨飯太子曰  
酥鉢囉沒馱王欲娉二女與汝爲妻若後生子必作  
輪王卽遣釋種五百人等往彼迎女爾時邊國別有  
一族名半拏縛率領兵衆於其要路欲行劫奪釋衆  
知已慮遭患害具述上事請王同行王卽白言我今  
年老厭於戎事令子淨飯躬自討伐如獲勝捷當自

立願

爾時星賀賀努王選練四兵付釋種等與子淨飯同  
殺惡族迎女廻歸卽白王言王先所宣令別立願其  
義云何王卽告言汝於今者當納一女以爲已妻如  
後有子善加保護令嗣國位及王歿後其大臣等共  
立淨飯太子卽紹王位時王國界人民豐盛王與夫  
人及諸宮嬪恒受快樂時釋迦菩薩在兜率天宮欲  
生人間作五種觀察一觀種姓菩薩思惟若婆羅門  
吠舍首陀種姓非上所生若刹帝利我卽當生  
以彼時人重富貴故若生下姓人所不重今爲攝化

衆生令彼歸依是故當生刹帝利家二觀國土若其  
國土最上殊勝有上味甘蔗香美稻米肥力大牛無  
諸貧乞及鬪諍事如是國土名爲中國我卽往生恐  
彼有情而興毀言菩薩過去修大勝因云何於今却  
生邊地三觀時分若有增劫八萬歲時有情根鈍智  
慧愚劣非爲法器是故不生若於減劫百歲之時雖  
近五濁彼時衆生根性猛利機器成熟是故菩薩卽  
乃下生四觀上族若淨飯王自過去世成劫之初衆  
許王後子孫相繼至淨飯王俱是輪王之族是故菩  
薩卽往受生五觀母身若其女人智慧甚深福德無

量諸相端嚴持戒清潔過去諸佛同與授記我卽受  
生今見摩耶具上功德復是王種卽乃生彼爾時菩  
薩作是觀已復告六欲天子汝今諦聽我當下生南  
瞻部洲託質摩耶汝等爲我降甘露雨令我受樂天  
子告言南瞻部洲有六大惡人一老迦葉二摩娑迦  
梨虞娑子三娑惹野尾羅致子四阿唎多繼捨迦摩  
羅五迦颯底也野六你誡囉颯颯也帝子南瞻部洲  
復有六裸形外道一俱吒多努娑羅門二酥嚕拏多  
努娑羅門三摩擬娑羅門四梵受娑羅門五布娑迦  
囉娑羅門六路唎底也娑羅門南瞻部洲復有六

大力士一烏捺囉矩囉摩子二阿囉拏三迦羅摩四  
酥跋捺囉五波里沒囉惹迦六散耶摩拏縛迦如是  
一十八種難可調伏爾時人間有一仙人年已衰老  
名烏盧尾羅迦葉思惟言曰當此國土福勝之地可  
十二由旬於其中間堪爲菩薩安坐說法之處願得  
菩薩速降人間爲我說法令我長夜甚得善利  
爾時菩薩告兜率天子汝今爲我動一切樂諸天聞  
已競奏音樂爾時菩薩吹大法螺其聲高遠過於天  
樂一切音韻如是南瞻部洲一十八種難調有情菩  
薩以無碍辯震大法音令彼有情自然降伏亦復如

是而說偈言

師子一吼衆獸伏

金剛一杵群峰碎

修羅無數一輪降

世間黑暗一日破

爾時六欲天子及天帝釋觀見菩薩乘六牙白象下  
兜率天處摩耶腹卽降甘露守護母腹清淨安隱而  
說偈言

我觀天子下閻浮

甘蔗王宮而受生

爲利有情酬宿願

如日初出放光明

佛說衆許摩訶帝經卷第二

終

音釋

經

衆許摩訶帝經

卷二

終

姹陟嫁切

醜蒲教切

姝女蟹切

儻語綺切

爾乃禮切

吟者人

切謂器

筮七廉切

鬢胡關切

挈詰結切

媵提挈切

者

匹正切

紉胡官切

貽余支切

劬女六切

悴秦醉切

也

虺底切

金陵居士陳丹衷 助刻

衆許摩訶帝經卷第二 伏願

諸根頓淨福慧齊圓 一切有情同登正覺者

御蘇釋子契機對 梁祜九年孟春月徑山化城寺識

### 佛說衆許摩訶帝經卷第三

宋吳譯經藏朝散大夫試鴻臚少卿明教大師臣法賢奉 詔譯

爾時摩賀摩耶作四種夢一夢白象口有六牙二夢  
 白象從天來下入於腹中三夢白象自身上大高山四夢  
 衆多豪貴大人俱來拜跪作是夢已卽以上事告淨  
 飯土王以此夢問其相師相師告王今此夫人必生  
 太子具諸相好若在王宮作轉輪王若是出家修諸  
 梵行成正等覺號天人師爾時菩薩降生之時大地  
 震動放大光明衆生觀之歎未曾有帝釋天王護世  
 四王各持刀劍絹索及弓箭等守護菩薩所有一切

魔及非魔諸鬼神等而不能害如摩尼珠及迦葉迦  
寶所有一切穢惡塵垢而不能染菩薩之身亦復如  
是又令母身內外瑩淨猶如瑠璃能見菩薩色相諸  
根如彼水精貫五色線分明顯露又令母身氣力增  
盛無諸疾苦志意堅固受持五戒精進無犯離諸過  
失

爾時摩賀摩耶告淨飯王我於今日忽自思飲四大  
海水王以是語問諸相師相師荅言摩賀摩耶必生  
太子具諸相好修無上道成等正覺若不飲海水太  
子身相而不圓滿時迦毗羅國有一人名囉羯多芻

善解幻術王卽召至於正殿內化四大海水取此海  
水與夫人飲飲此水已告於王曰所有一切牢獄禁  
繫苦惱衆生請王放免所有一切衣食貧乏寒餓衆  
生願王布施如是種種作諸福業

爾時摩賀摩耶告淨飯王我今思於園苑任止王卽  
告彼酥鉢囉沒馱王汝女摩賀摩耶樂住園苑酥鉢  
囉沒馱王卽遣工人大興營繕地位寬博樓觀華煥  
名龍弭禰園時摩賀摩耶與諸宮嬪同往園內見無  
憂樹芬芳茂盛布葉開花卽以右手攀彼樹枝欲生  
太子觀諸人衆四邊圍繞示有慙色天主知已乃作

風雨令彼人衆四散馳走爾時天主復自化身爲一  
老母在夫人前欲收太子是時太子初出母胎身如  
金山如真金色令其老母收捧不及太子告言放  
僑尸迦我自出生是時大地卽大震動放大光明普  
照世間衆生見之歎未曾有時淨飯王見斯祥瑞於  
太子前旋繞三市禮太子足歎言善哉善哉我於今  
日生大丈夫福德之子令我長夜快得善利爾時太  
子身相圓滿內外瑩淨猶如瑠璃塵垢雜穢一切不  
著於其四方各行七步東方表涅槃最上南方表利  
樂群生西方表解脫生死北方表永斷輪迴時諸天

人於虛空中持白傘蓋覆菩薩頂又復諸天降二種  
雨或冷或溫灌頂沐浴又復空中諸天及龍作天伎  
樂雨曼多羅花優鉢羅花俱母那花奔拏里迦花及  
雨沉香檀香末香多摩羅香上妙衣服等爾時諸天  
於虛空中而說偈言

善生大牟尼 百福莊嚴相 斷盡煩惱塵

而證無上覺 能於圓滿身 放大光明色

遍照於世間 一切愚癡暗

爾時天子說此偈已有四國王各生一子舍衛國阿  
羅拏王生一太子王思惟曰我子生時世界清淨湛



然安隱立名鉢囉洗曩喻那王舍城摩訶鉢那王生  
一太子王思惟曰我子生時有大光明能照世間立  
名尾弭娑囉俱尸那城設多你迦王生一太子王思  
惟曰我子生時世界光明天地朗然立名烏那野曩  
烏惹你國阿難多你弭努王生一太子王思惟曰我  
子生時有大光明無諸幽暗立名鉢囉愈多如是王  
子皆是菩薩聖感來生

復次去城不遠有一大山名緊使吉陀山中有二仙  
人名阿私陀恒處其山修持梵行爾時仙人有一外  
甥名曩羅那承事仙人求聞法要仙人卽爲說善惡  
法因此出家菩薩生時有大光明照耀世間曩羅那  
見之驚疑不測卽入菴中問其師曰今此光明照耀  
世間猶如聚日云何而來師曰今此光明如真金色  
清涼寂靜照於三界此是佛生之瑞曩羅那告於師  
曰我今往彼禮拜菩薩仙人告言彼有大威德諸天  
龍神圍繞守護無能得見候佛世尊入迦毗羅國聞  
名之時汝可詣彼大得勝利

復次菩薩生時有五百白象有五百從人同時而生  
地中寶藏自然出現天降甘露諸小國王並來慶賀  
爾時淨飯王見此祥瑞種種殊勝而自言曰我子降

生具大吉祥能圓滿一切福德能成就一切善事應為立號名一切義成

復次迦毗羅城有夜叉神名舍迦嚩駄曩若諸衆生所有男女初生之後將詣神廟令拜夜叉求其守護時淨飯王亦令太子乘四寶車詣彼神祠將至廟庭夜叉出迎拜於車前淨飯王曰天神至尊禮重菩薩應為立號名為天子又釋衆等輩氣志剛強難以調伏見此菩薩身相端嚴威容和雅人天仰重即自迴心捨其憍慢情性柔順默然瞻仰因斯立名名為寂默

爾時淨飯王告諭宮人與我勤力養育太子依時乳哺洗浴莊嚴用心保愛不令失所我子生時天降甘露相師視之有三十二大丈夫相若復在家作轉輪王乃有金輪寶象寶馬寶摩尼寶玉女寶王藏寶王兵寶如是七寶悉皆具足千子圍繞甚為希有勇猛無畏能破他冤爾時相師而說偈言

千幅金輪寶	轂輻相周圓	飛空行四方
須臾復本處	象寶最殊勝	白類於珂雪
巡遊瞻部洲	隨處而無礙	馬寶足威勢
青頸世希有	常往虛空行	往來如風轉

最上摩尼寶 光照一由旬 如夜黑暗中  
當天出明月 女寶世希有 微妙甚端嚴  
親侍於輪王 能知所思事 藏寶大威德  
能王世間寶 海中地下珍 王須卽令現  
主兵臣巨力 能使於四兵 象馬步兼車  
所到無違背

爾時淨飯王復問相師云何我子三十二相相師答  
言三十二相者一太子足下有千輻輪紋轂輻輞三  
悉皆圓滿二太子手足皆悉柔軟如兜羅綿三太子  
手足猶如鵝王而有網縵如真金色四太子手足諸

指纖長五太子足跟與趺相稱六太子足下平滿如  
香奩底七太子雙膺漸次纖圓如金色鹿王膺八太  
子雙臂修直如象王鼻垂手過膝九太子陰相藏密  
不見亦如龍馬及其象王十太子身諸毛孔各一毛  
生紺青旋轉十一太子髮毛端直上靡嚴金色身衆  
所愛樂十二太子身皮薄潤塵垢不著十三太子身  
皮金色光曜如妙金臺衆寶莊嚴人天愛樂十四太  
子手足掌中頸及兩肩七處充滿十五太子肩頸殊  
妙一一圓滿十六太子雙腋之下一一充實十七太  
子容儀廣大圓滿端嚴十八太子身相修廣端正出

過人天十九太子體相周而圓滿量等諾瞿陀樹二十太子領臆身之上半威容廣大如師子王二十一太子常有光明面各一尋二十二太子齒具四十齊平如雪淨密根深堅固不動二十三太子口有四牙鮮白鋒利二十四太子口中一切所食常得上味能正吞咽津液通流永離衆病身心適悅二十五太子舌相廣淨能覆面輪至髮際等二十六太子梵音洪雅其聲震響猶如天鼓言詞婉約如頻伽音二十七太子眼睫作青紺色猶如牛王不相雜亂二十八太子眼睛紺青鮮白紅環相間青白分明二十九太子面輪如天滿月三十太子眉相彎長如天帝弓三十一太子兩眉中間有白毫相右旋柔軟如毘羅綿鮮白光淨逾於珂雪三十二太子頂上有烏瑟膩沙金頂之骨高顯周圓亦如天蓋如是三十二大丈夫相於過去世無量百千萬億劫長時精進無間修習一切戒行及諸善法而無遺餘今得成就相好功德是故菩薩生淨飯宮飲食衣服卧具象馬一切珍寶無不具足眷屬熾盛王族不斷於人天中而無等等若不出家年三十二作金輪王

爾時摩訶摩耶生太子已七日命終生忉利天受五

欲樂爾時太子顏容端正人天目覩敬愛不足假使  
世間巧妙金師以金造像亦復不及譬如諸天半努  
迦石有大光明照耀一切菩薩之身光明寂靜亦復  
如是又如蓮華開敷出水茵蔯馨香一切有情見者  
愛樂菩薩之身見者恭敬亦復如是又此菩薩兩目  
清淨明朗遠視見一由旬微細塵色過於天眼晝夜  
無異又此菩薩語言音聲美妙清響如頻伽音亦如  
雪山有其飛禽食於花水食已而醉發聲相呼其音  
和雅亦復如是

爾時曩羅那仙告白本師阿私陀仙人我今往彼迦

毗羅城禮拜菩薩師言可往卽與本師運神通力往  
迦毗羅城去城不遠菩薩威制令彼失通步行至城  
詣淨飯宮時守門人卽以白王乃勅門人引令入內  
王相見已歡喜無量請就牀座獻闕伽水作樂設食  
種種供養王卽問言仙人云何因緣至此時阿私陀  
白王我今欲見一切義成大牟尼師王言今此太子  
正當睡眠且候須臾卽得相見時阿私陀請就牀帷  
臨視太子爾時太子雖處睡眠兩眼俱開目不眴動  
時阿私陀卽說偈言

諸天觀境時 覩物眼不眴 菩薩雖睡眠

觀境亦如是

爾時仙人說此偈已宮人乳母捧持太子奉上仙人時阿私陀詳觀太子容貌非常卽問王言曾有相師來占相否大王白言有婆羅門相此太子若不出家必得轉輪王位若能出家定成正覺仙人聞已卽說偈言

昔墮邪見外道身

今逢福德輪王子

能除煩惱證菩提

善說甚深法海藏

雖圓相好棄輪王

成大牟尼救群品

是故我今歸命禮

願得親近滅塵勞

爾時仙人說此偈已審觀自身壽命長短得見太子成佛事否如是觀已得見太子出彼王城入於山野年二十九於其山中六年苦行證甘露滅成無上道爾時仙人復觀自身值佛出世年命短促而不久遇甚懷感傷不覺失聲而自啼哭時淨飯王見仙人哭驚恠異常卽說偈言

若人有男女 愛憐心不足 如是福相殊

觀之恒適悅 仙人見太子 云何而啼哭

我子若驚怖 忽然生病惱 未委意云何

速爲我宣說

爾時阿私陀仙人聞是偈已卽白王言太子不久卽  
成正覺云何於身而有怖畏假使空中降大金剛如  
彼真珠滿空而下不能侵彼菩薩身之一毫世間所  
有一切大火而不能燒一切大風而不能吹一切毒  
藥而不能損刀劍弓箭而不能傷毒龍猛獸而不能  
害又此菩薩於過去世行大慈悲於諸衆生未曾捨  
離令彼有情常獲安隱云何菩薩有斯怖畏於虛空  
中恒有帝釋梵天王等而共守護我今啼哭自觀已  
身年命中夭於其佛世不得聽聞甚深法藏於其善  
財而無有分是故感傷而自啼泣請王無憂爾時阿

私陀又復思惟我有神通菩薩威制令不顯現是故  
步行入於王宮今若出城而復屣步彼諸有情卽起  
慢心大神通仙步出王城作是念已告淨飯王我今  
辭王出迦毗羅城與我修治四衢道路時淨飯王卽  
勅有司修治道路去除砂礫穢惡之物以白檀香水  
灑地清淨處處豎立幢幡瓔珞燒衆妙香王并諸臣  
長者居士恭敬圍繞出迦毗羅城送彼仙人時阿私  
陀辭國王已隨意前行往枳瑟計馱山卽住山中修  
習禪定歲月不久復得神通於其後時身少有病服  
食良藥及花果等乃得除愈弟子告曰我今出家爲

求出世解脫甘露師有所得願賜告諭師曰我自修行歲月彌久於斯甘露猶尚未得云何令我復為於汝今有淨飯王子名悉達多成等正覺得真甘露於彼出家一心梵行而求出離莫作族姓之相及我人相即得成就無為之法爾時阿私陀仙人即說偈言

我住如是山 久修於梵行 雖復得神通

而未飲甘露 自知身無常 恒處於生滅

聚集假和合 即是無常法

爾時仙人說此偈已曩羅那感師誨示禮拜供養即往波羅柰國見五百摩拏嚩迦婆羅門念圍陀經知

非究竟而不親近即往佛所希聞法要爾時曩羅那

姓迦底切也以姓為名佛為開示法要得寂滅樂乃

名大迦底切也復次太子在乳母懷執金器而食須

臈食已乳母即收金器器重如山舉之不起即以上

事具告於王王與宮人同往取器亦不能舉即集國

人同舉金器其器愈重復駕大象五百頭拽彼金器

不能搖動金器少分何以故由菩薩神力舉其左手

一指鉤住金器令象盡力而不能動爾時淨飯王乃

自思惟若菩薩舉其兩指鉤彼金器假使百千大象

亦不能動由是菩薩有千象之力若諸童子欲與菩



薩闍戲如小飛鵝比於大鶴其力不等復次菩薩在  
王宮時與五百眷屬入學讀書爾時本師將第一書  
令太子讀太子告言此書我解其師乃令讀第二書  
太子見之復白師云此書亦解於是本師即以五百  
種書授與太子太子白言此五百種書我一俱解  
如有他書卽當與我師乃白言於其世間只有此等  
五百種書此外無有爾時太子卽自寫書令師讀之  
師乃歎言我自昔來未曾覩太子告曰此是梵書  
時彼梵王知我當紹輪王之位傳授於我卽以微妙  
梵音而自讀誦時大梵天王於虛空中高聲讚言此

是梵天之書師聞天證深生信解

爾時太子舅氏娑捺梨復有一人名娑賀你嚩此二  
人者善解弓射有五百人親學其藝又此二師互相  
言曰彼提婆達多其性龔惡心多嫉妬所有射法不  
宜告之若或教授必將害物彼悉達多慈悲聰慤利  
濟有情堪當傳習如是弓射有其五種一曰遠射所  
發之箭能極遼遠二曰聞聲射聞其聲音卽可射之  
三曰中射所發之箭隨意而中四曰親的射所發之  
箭而無踈闊五斷物射所射之物無不透斷如是菩  
薩善解五射

爾時毗舍離城有一大象形相端正具大勢力彼國人衆咸共商議迦毗羅城淨飯大王有一太子名悉達多相師視之有轉輪王位卽馳此象而充貢獻乃以珠瓔珍寶種種嚴飾將往迦毗羅城至王宮門時提婆達多出門見象詰問門人曰此象從何所來門人荅言毗舍離城聚落人衆爲悉達多有轉輪王分馳獻此象時提婆達多聞是事已心生嫉妬告門人曰彼悉達多何有王位卽持器仗殺象命終爾時難陀見此死象知爲提婆嗔怒所殺難陀欲與鬪其勇力卽執象尾以手擲之象離本處七步之外時悉達

多見其死象離於本處知是難陀示威力故手執象尾擲彼處故

爾時悉達多太子顯自威神以其一手執持象尾向空而擲過七重城如投土塊時毗舍離城獻象之者見悉達多有大威力卽說偈言

我等遠馳象 爲獻於輪王 遇斯凶惡人

卽時行殺害 難陀手執尾 擲象七步外

菩薩大威神 擲象如拋塊

佛說象許摩訶帝經卷第三

終

音釋

金佛山釋子圓忞 助刻  
累許摩訶帝經第三卷 計字四千六百五十五  
綱 該銀二兩三錢二分八厘 伏願  
六根雪淨三障水清生生啟悟妙心世世弘開道  
眼

海虞釋常孚對

崇禎九年季夏月徑山化城寺識

佛說眾許摩訶帝經卷第四

宋奘譯經三藏朝散大夫試鴻臚卿明教大師慧賢奉 詔譯

爾時提婆達多手持弓箭出迦毗羅城而欲教射悉  
 達多太子知己與五百眷屬亦出國城同爲弓射時  
 提婆達多即持弓箭遙射一樹其樹中箭應弦而倒  
 悉達多太子亦射一樹箭力甚大樹雖兩斷儼然不  
 動提婆達多見樹如故疑箭不中白太子言常聞太  
 子解五種射法云何射樹而不能中如是言已帝釋  
 天王於虛空中而自思惟我須今日顯發菩薩神通  
 威力若不如是云何有情知彼菩薩善能通達一切

衆事作是念已卽化大風吹中箭樹忽然倒地時提  
婆達多卽自驚歎爾時太子又令安置七多羅樹七  
重鐵鼓七重鐵豬令衆射之時提婆達多顯自威力  
挽弓前射透一多羅樹難陀次之透二多羅樹悉達  
多太子卽便隨射所有七多羅樹七重鐵鼓及鐵豬  
等皆悉透過其箭入地至龍王宮爾時龍王見菩薩  
箭以手捧之於箭入處涌水上流卽有信心婆羅門  
長者起塔供養一切苾芻常來瞻禮爾時悉達多太  
子乃乘寶輦廻歸王城有一相師占太子曰至十二  
歲若不出家爲轉輪王統領四洲千子圍繞時淨飯

王聞是事已心大歡喜卽集群臣及諸釋種具白斯  
事時有大臣白淨飯王若要太子紹輪王位速於國  
內公卿臣僚士庶之舍選擇淑女爲其妃配仍造種  
種上妙衣服真珠瓔珞珍玩之具及舍宅樓閣等如  
是造已卽選良辰令太子於王正殿坐師子座命公  
卿臣僚及長者居士等所有童女悉赴王宮如有端  
正福德殊勝之女太子樂者卽賜上件珍玩物等納  
爲夫人

爾時淨飯王卽依所奏後至吉日命悉達多太子登  
王寶殿坐師子座所集童女俱來赴會爾時有一童

女名耶輸陀羅而不赴召父問其故耶輸陀羅曰金帛財貨我家自有何須王宮而受錫賚父又告言汝至王宮太子見已或當採擇納爲夫人豈獨寶玩而充贈遺耶童女聞已卽著上妙衣服嚴身瓔珞而赴王宮太子見是童女福相殊勝身有光明心大歡喜下師子座依古儀禮互相設拜拜已復坐合掌恭肅時僚等俱白王言如是童女諸相具足福德深厚堪與太子爲其夫人王卽詔命二萬童女圍繞耶輸陀羅同入宮室

爾時迦毗羅城不遠有一大河名嚕賀迦於河岸上

有一大樹名娑囉迦里

梨也切

拏與太子同時而生此

樹不久長及百肘太陽未出樹身柔軟爪甲能傷日旣昇天則斧不能入火不能焚尋以河津汎漲浸壞樹根偃仆洪川下流乾涸時酥鉢羅沒馱王以嚕賀迦河爲大樹所塞水不通行國內民衆乏水受用發使出國告淨飯王顛木壅流邦人大恐欲假太子神力去樹導川時淨飯王默然不允若太子自去卽當隨意有大臣名曰餐那潛知王意以方便力告太子言嚕賀迦河旁有園苑亭臺樓觀花卉池沼甚是嚴飾可去遊從太子聞言卽與眷屬及諸臣僚同出迦

毗羅城往彼園中隨意遊戲時提婆達多見一飛鵝  
從空而過挽弓仰射墮太子前太子見之嗟念傷害  
與拔其箭放鵝飛去提婆達多遣人取鵝太子告曰  
我發善提心常行慈愍行利益諸有情不欲見損惱  
所有飛鵝拔箭放去令彼安隱汝宜迴心勿生嗔恨  
提婆達多聞是語已默然不悅

爾時酥鉢囉沒馱王知其太子近在園林卽遣國人  
往彼河津出其大樹唱聲用力響震郊原太子聞之  
訪諸左右群臣具白此是酥鉢囉沒馱王遣其人衆  
出河中樹太子聞已我當自往去河不遠有一大窟

毒龍所居太子至前龍乃出窟衆人恐懼慮傷太子  
卽以利劍斷彼龍命龍有毒氣被觸之者徧身青黑  
因以立名迦路那夷太子行至河邊先令提婆達多  
出彼大樹提婆達多極其神力終不能舉次及難陀  
盡力挽樹稍離於地是時太子以已神力手把大樹  
折爲兩段擲虛空中於河兩邊各下一段告衆人言  
此娑羅迦里梨也拏樹是大良藥火不能燒若有瘡  
腫塗之卽瘥汝等衆人勿復忘失太子作是語已卽  
乘車騎迴歸城邑時有相師相太子曰若至七歲而  
不出家作轉輪王太子入城將至王宮釋種伽吒擬

里有一女名娛閉迦在高樓上忽見太子身相端嚴  
心生戀仰太子見此女已令任車騎廻首觀瞻手執  
弓箭不覺墮地時諸人衆見此童女福相殊勝皆言  
此女堪事太子父淨飯王知是事已遣童女二萬圍  
遶娛閉迦女令入王宮爾時太子納夫人已思惟城  
外遊觀園苑卽告御車人阿諛多汝今諦聽我思城  
外遊觀園苑與我如法安置莊嚴上好車騎時阿諛  
多聞是語已卽於廐中如法莊飾上好車騎至太子  
前爾時太子卽乘車騎出於城外於其馬前見一老  
人髮白面皺策杖呻吟太子不識問阿諛多此是何

人阿諛多曰此是老人太子問云何名爲老阿諛多  
言幻化之體無有堅實四相遷移六情昏昧起坐無  
力執杖而行名之爲老太子問云汝能免不阿諛多  
曰我何能免太子問云汝卽不免我能免不阿諛多  
曰貴賤雖異幻體一般日月推遷無人能免太子聞  
已不悅而歸復自思惟四大假合五蘊無實始自少  
年便成衰老如是之相深可悲愍爾時淨飯王問阿  
諛多曰我子出外有何所見阿諛多曰太子出外見  
一老人髮白面皺具說上事王旣聞已憶前相師占  
言太子後必出家太子於今安處深宮受五欲樂情

經 卷四 五 命三

必愛著而不出家即說偈言

王聞相師占太子 恐後捨父求出家

今以五欲悅其情 愛著必繼輪王位

爾時太子又復思惟出城遊觀即告阿諛多汝今諦聽我思城外遊觀園苑與我如前安置莊嚴上好車騎時阿諛多聞是語已即往廐中如法莊飾上好車騎至太子前爾時太子即乘車騎出於城外於其馬前見一病人形體羸瘦心神劣弱太子不識問阿諛多曰此是何人阿諛多荅言此是病人太子問云何名為病阿諛多荅云四大之體互相乖反而有病生

形容瘦惡心識無安此名為病太子問云汝能免耶阿諛多言亦不能免又復問言汝既不免我免得不阿諛多言俱是幻質云何獨免太子聞已即歸王宮復自思惟假合之身衆病所集衆生愚迷深可憐愍時淨飯王問阿諛多曰太子出外有何所見爾時阿諛多具說上事王既聞已恐子出家復令宮中以五欲樂娛侍太子即說偈言

色聲香味觸最妙 娛樂深宮太子情

若生愛樂而貪著 應不出家求覺道

爾時太子復自思惟出城遊觀即告阿諛多汝今諦

經 卷四 命三



聽我思城外遊觀園苑與我如前安置莊嚴上好車  
騎時阿諶多聞是語已卽往廐中如法莊飾上好車  
騎至太子前爾時太子卽乘車騎出於城外於其馬  
前見一死人氣絕神逝猶如土木瓦石無所知覺男  
女眷屬圍繞悲哭問阿諶多曰此是何人阿諶多答  
云此是死人太子復問云何名死阿諶多答云有爲  
之體壽有短長一旦無常永別親眷此名爲死太子  
聞已問阿諶多曰汝能免不阿諶多答云亦不可免  
太子問云汝身不免我應免得阿諶多答曰三界無  
常生滅不住太子之身亦復如是太子爾時心不適

悅却歸王宮至王宮已而復思惟無常之法念念不  
住乃至有色無色非想非非想處無有免斯無常大  
患於諸衆生深可悲愍作是念已情不適悅爾時淨  
飯大王問阿諶多曰太子出外有何所見爾時阿諶  
多具如上事一一宣說王旣聞已思念昔時有婆羅  
門占相太子福德淳厚諸相具足決定出家成正覺  
道卽令宮內以五欲樂種種適悅令彼愛著捨出家  
意卽說偈言

我以五欲大富貴 適悅太子天中天  
令彼無心求出家 付與輪王最上位

爾時悉達多太子復自思惟出城遊觀卽告阿諛多我思城外遊觀園苑與我如前安置莊嚴上好車騎於是阿諛多卽往廐中如法莊飾上好車騎至太子前爾時天子卽乘車騎出外遊觀時堯率太子作是思惟今茲菩薩出城遊觀求出家緣我應當作沙門之相持鉢乞食現太子前作是念已卽剃鬚髮身被法服手持應器任立馬前太子見已廻問阿諛多此人耶阿諛多荅言是出家人太子問云何名出家阿諛多荅言此人了悟生死誓斷輪廻修菩提因求解脫果剃除鬚髮身被法服清淨身心此名出家太

子聞已心生踊躍卽便下馬而問苾芻云何出家有何利益苾芻荅言夫出家者離其親愛不著榮樂恒修梵行堅守律儀棄背塵勞禁縛根識妄念不生實行增長如是進修名出家者太子聞已歎言善哉汝大丈夫於其濁世能善調伏能善勤求是真出家是眞善友言已頂禮上馬歸宮卽於宮中至意思惟出家之法其行甚妙其理甚深狀離王宮欲求解脫時淨飯王問阿諛多曰太子出遊有何所見得悅樂不阿諛多逡巡具白上事王聞所奏又復思惟相師曾言若不出家必作輪王我須今辰別設方便令彼太

子斷出家意卽告悉達多迦里沙迦聚落國之重地  
汝今往彼代吾撫臨當使一方人民和悅太子聞已  
迷悶不樂晝夜思念專求出家未遂本心往赴迦里  
沙迦聚落行至路次有五大寶藏從地涌出王藏神  
等曰言太子此等寶藏菩薩所有唯願菩薩爲我受  
之太子告言此等寶藏衆寶所聚有情愛著非我所  
求王藏之神聞菩薩言知不領納卽率同類入於大  
海爾時太子漸次前行至迦里沙迦聚落之界見有  
多人各執牛具苦力耕種手脚麤惡塵土全身衣服  
破弊飢渴無力如是種種苦惱逼迫太子宿懷慈愍

見之驚問左右告曰此是太子部內耕種之人太子  
聞之卽令放免丁壯牛畜任自營生不令官司更有  
拘檢作是語已卽往閻浮樹下結跏趺坐而入禪定  
其諸臣僚僮僕吏民亦於樹下圍繞侍立經於食時  
淨飯王心自思惟太子出外已過時約猶未迴歸我  
當自往觀視太子卽嚴車駕出臨聚落至閻浮樹下  
乃見太子入三摩地身心不動日色雖轉樹影不移  
時淨飯王歎言善哉善哉大威德大丈夫甚爲稀有  
日行不住樹影不移以頭至地禮菩薩足而說偈言  
善哉大丈夫 世間甚稀有 生時放光明

大地皆震動 今坐閻浮樹 日轉影不移

時衆普見聞 我今歸命禮

爾時太子從禪定起卽乘車輦歸迦毗羅城經尸陀林見彼林中而有死人裸形臭惡支體壞爛於其世間深生厭離王與太子入迦毗羅城時有相師瞻見太子威德殊異告淨飯王今此太子於七日內若不出家定有轉輪聖王之位爾時相師卽說偈言

大王今當知 悉達多太子 七日不出家

當作輪王位 統領四大洲 富有於七寶

如成正等覺 法財救世間

爾時相師說此偈已太子進車而漸前行時有釋種名迦羅叉摩其女名蜜里誡惹瞻見太子威儀尊重而興讚歎於太子前卽說偈言

父得解脫樂 母身亦復然 生此悉達多

願與我爲夫 當成二足尊 圓證涅槃法

名聞徧十方 我今歸命禮

爾時太子聞是伽陀心生歡喜卽以真珠瓔珞承其威力入窻牖中安著女項時淨飯王見是事已卽以二萬宮人圍繞蜜里誡惹女入於王宮爾時太子有三夫人耶輸陀羅娛閉迦蜜里誡惹及六萬宮人朝

夕供侍心無愛著專求捨棄時淨飯王知是事已告  
諭三王有婆羅門相我太子若七日內不令出家必  
作轉輪王汝等諸王於七晝夜可共守護復起民衆  
造七重城七重壕塹城安鐵門於門上下徧置鈴鐸  
若開門時鈴聲震響一由旬外爾時太子於其內宮  
與諸宮人妓舞作樂晝夜無異時淨飯王詔令群臣  
於諸禁掖處處防衛仍遣四兵象馬車步於城四門  
分布巡察時淨飯王在城東門斛飯王在城南門白  
飯王在城西門甘露飯王在城北門各領臣僚夜不  
睡眠專心守護復命大臣摩賀曩摩於其夜分不住

來往巡歷四門警覺軍衆令不睡眠爾時摩賀曩摩  
領其人衆巡至東門而卽問言何人在此不睡守護  
時淨飯王告言我今在此躬自防衛摩賀曩摩告言  
大王若不睡眠無諸過失時摩賀曩摩卽說偈言

耽睡人如死 亦如魔魅人 若能止其睡  
過咎必不生

爾時摩賀曩摩說此偈已卽往南門而復問言此有  
何人不睡守護時斛飯王告言我今在此專心防衛  
摩賀曩摩告言大王若不睡眠無諸過失時摩賀曩  
摩卽說偈言

人睡亦如死 須知有睡魔 若能止得睡

過咎必不生

爾時摩訶曩摩說此偈已即往西門而復問言此有何人不睡守護時白飯王告言我今在此專心防衛摩訶曩摩告言大王若不睡眠無諸過失時摩訶曩摩即說偈言

耽睡如飲酒 醉入於曠野 過失即隨生 是故須止睡

佛說眾許摩訶帝經卷第四 終  
音釋

餒 弩罪切 飢也 瑩 紫定切 絜也 轂 古祿切 輻所湊也 輻 方六切 輪轆也 跟 古痕切 足也 奩 離鹽切 匣底也 媼 委遠切 順也 睫 即涉切 旁毛也 菡 感切 菡萏未發名也 闕 於歇切 輪間切 眴 輪間切 目動也 屣 所綺切 屨也 汎 孚梵切 盪也 什 敷救切 倒也 廐 居又切 馬舍也

新安五花臺釋子明耀梅花菴釋子六無全助刻  
眾許摩訶帝經第四卷 計字四千四百 該銀  
二兩二錢 伏願  
六根雪淨三障水清生生啟悟妙心世世弘開道  
眼 海虞釋常孚對  
崇禎九年季夏月徑山化城寺識

佛說衆許摩訶帝經卷第五

宋西譯經藏朝散大夫試鴻臚少卿敎師臣法峯 詔譯

爾時摩賀曩摩說此偈已卽往北門高聲問言此有  
何人不睡守護甘露飯王言我於此處不睡守護摩  
賀曩摩言若不睡守護無諸過失而說偈言

怖睡如山嶮 亦如汎河海 一心防難危

止睡亦如是

時摩賀曩摩說此偈已卽往市肆街巷處處巡行覺  
察衆人止睡守護而說偈言

依法離非法 實言勿妄言 淨飯王最上

止睡令守護

時摩賀曩摩說此偈已天色將曉詣淨飯王前而白  
王言過一晝夜內外安靜無諸魔難唯願大王更勅  
軍衆用心守護過七晝夜令彼太子定得輪王之位  
如是防護至六晝夜時忉利天主觀太子意欲往道  
場而說偈言

善哉大丈夫

牟尼釋師子

必捨王宮殿

越求山野處

圓滿六波羅

成就無上智

拔濟於群生

究竟至彼岸

爾時悉達多太子與諸宮嬪作於娛樂而忽思惟我

今雖有耶輸陀羅娛閉迦蜜里誠惹如是夫人及六  
萬綵女若無男女便去修行衆人俱言悉達多太子  
非是丈夫出別之後卽令耶輸身有懷妊由是太子  
爲諸宮嬪說緣生幻有生死輪廻若不息心無有窮  
盡若與女人同其牀座如足履火速得大苦是故我  
今而生厭離作是語時有一妓女口吐涎沫手足紛  
紜髮髻散亂迷悶倒地時諸宮人驚怖異常太子見  
之深生傷慙歎言苦哉云何有此死相不祥而說偈  
言

須臾變壞生惡相

手足紛紜涎沫流



觀此無常苦惱身

是故我今求解脫

爾時太子說此偈已觀諸衆生無有我人衆生壽者  
堅實之相如入尸陀林無所愛樂如履淤泥唯增臭  
惡如養毒蛇終無所益如電如夢如沫如泡根本無  
明覆而不覺如是觀已時淨飯王自說其四夢一夢  
滿月有其蝕障二夢日出復於東沒三夢大人衆來  
禮拜四夢自身笑而復哭耶輪陀羅亦說八夢一夢  
上族離散二夢吉祥座破三夢腕釧損墜四夢牙齒  
墮落五夢髻髮亂垂六夢吉祥雲出於宮舍七夢滿  
月有其蝕障八夢日出未高復於東沒卽時太子復

自思惟曾作五夢一夢牀座如妙高山坐卧自在二  
夢兩手左托東海右托西海復以二足垂南海中三  
夢花果樹木及諸藥草長至天界四夢大身飛禽其  
類甚衆形白頭黑及諸小鳥種種顏色四方而來都  
至面前變爲一色而禮其足五夢大石山上經行顧  
望太子自心思念我夢如此定得捨俗證大菩提爾  
時耶輪陀羅思前八夢告請太子占其吉凶太子曰  
一夢上族離散宗姓團聚未始暫分二夢吉祥座破  
座今如故三夢腕釧損墜見在汝臂四夢牙齒墮落  
非有墮者五夢髮亂垂孰觀垂髮六夢吉祥雲出宮

夫爲吉祥我又在宮七夢月有蝕障今在天上何有障耶八夢日出未高復於東沒此時夜半日又未出所夢無惡汝何憂疑太子思惟此之八夢當應是我出家之兆卽告耶輸陀羅我今當爲一切衆生往彼山間志求涅槃解脫之法耶輸陀羅言如夫所志我亦隨往

爾時帝釋天主及梵天王告太子言善哉善哉速捨五欲早出宮殿明相現前證一切智菩薩言憍尸迦我在深宮如虎入穿象馬車步四兵圍繞宮殿門戶並皆鎖閉處處懸鈴磬覺守護云何而出帝釋告言

但念過去無量阿僧祇劫所行行願爲斷衆苦度脫世間作是語時四大天等以威神力令彼衆人不能爲障卽時帝釋化一寶階告般啣迦夜叉王言聖者菩薩現處高樓汝以寶階於前迎接夜叉聞已依教奉行菩薩下之卽覓餐那令鞍馬王尋見餐那正當眠睡而說偈言

善哉餐那汝速起

鞍我馬王迦蹉迦

乘入諸佛修行山

求證牟尼無上覺

說此偈已餐那從睡眠覺卽起合掌告菩薩言事無倉卒何於夜半急要馬王欲乘遠去况此宮禁且無

兵難賊難及水火之難云何如此菩薩言汝自昔來嘗奉驅馳云何於今而不相順餐那自言今當半夜真偽難分慮有不虞以招大罪菩薩聞已默然思念恐人知覺自往中廐時天帝釋手執火炬引路前行至其廐門牽致馬王馬卽驚駭雙足跑地是時菩薩舉萬字福相百千威德之手作無畏印摩馬王頂告言迦蹉迦與我有緣若能送我雪山之中諸佛行處證得無上菩提之果降大法雨普潤世間一切有情皆獲利樂汝福無量時迦蹉迦卽受教旨身足不動

爾時復有四大天子一名俱羅二名烏波俱羅三名波囉拏四名波囉拏舍縛帝此四天子至菩薩前合掌恭敬告菩薩曰今知出外修菩薩行我等四天願欲隨從菩薩問言汝有力耶第一天子言所有大地之土可以負行第二天子言所有大海江河可以負行第三天子言所有一切山嶽可以負行第四天子言所有大地山嶽及河海等俱可負行而無疲困菩薩聞已卽以神力移足躡地地大震動四大天子住立不能而各驚怪誰知菩薩有斯威力我等四大云何懺謝是時餐那見是神力卽牽馬王詣菩薩前

爾時大威德諸天及諸龍神傷愛別離於上空中啼  
泣下淚餐那言云何空中無雲下雨菩薩言此非降  
雨我將出外天龍傷別啼泣雨淚餐那聽受住立合  
掌菩薩卽時深思佛身功德威儀利樂之法復思父  
母養育慈愛顧復之恩如不告辭有虧孝行作是念  
已卽入殿內見淨飯王正當睡眠右繞一匝合掌啓  
白我於此時往雪山中求無上道度脫世間生老病  
死令諸衆生得大解脫言已而辭時有釋種摩賀曩  
摩瞻見太子戀慕憂惱悲泣涕淚云何因業輕捨王  
宮太子荅言我爲利益一切衆生求成佛果摩賀曩

摩白云王勅我輩長時警護無令太子暫出宮禁太  
子告言我於往昔發菩提心經三大阿僧祇劫歷修  
萬行求無上覺欲度衆生今此王宮非我所止摩賀  
曩摩聞是語時倍復憂惱涕淚悲泣發麤澁言苦哉  
苦哉我淨飯王所望不就致令太子棄捨深宮欲出  
遠行時耶輸陀羅聞是語已驚疑惶怖迷悶倒地良  
久乃穌告太子言緣何今日捨我而去娛閉迦蜜里  
誠惹及諸宮嬪悲淚前行告淨飯王太子無故欲離  
宮寢往彼山野如鬼魅所著無以遮止唯王當嚴勗  
勿令遽往王旣聞已欲行誠勅帝釋梵王與諸天子

接迎菩薩卽出城外菩薩右邊色界天子善現威儀  
菩薩左邊欲界天子手執幢幡有無數天樂導引前  
行有百千天子於虛空中雨優鉢羅花俱母那花白  
蓮花及曼陀羅花復雨沉香末香旃檀之香種種上  
妙衣服復有天子歌舞作唱復有天子手捧馬足瞻  
仰菩薩一心隨行俱吠囉等無量諸天恭敬圍繞須  
臾之間至雪山中去迦毗羅城一十二由旬

爾時天王帝釋及大梵天王等合掌曰言我等諸天  
發精進心隨侍菩薩來至山中若我菩薩成就阿耨  
多羅三藐三菩提時願垂攝受度脫我等任立右邊

一心瞻仰菩薩卽時爲說偈言

我得最上道 一切佛行處 度脫於汝等

及彼諸有情

說此語已卽脫寶冠上妙衣服告餐那曰將我衣服  
及彼馬王歸奉父王若不證菩提誓不廻也復說偈  
言

汝將馬王及寶衣 速歸本國迦毗羅

我任雪山修梵行 菩提未證而未歸

爾時菩薩說此偈已餐那聞之而復悲泣白言今此  
山中多有虎狼師子諸惡禽獸菩薩一身云何可止

又此山野中皆有叢林荆棘土石礮确菩薩旦暮云  
何經行菩薩言餐那汝何愚迷衆生之身業惑所感  
四大和合性相違反老病死苦如至身時非擇尊貴  
上族富豪貧賤端正醜陋少壯老年寃親人我速歸  
散壞俱受無常云何修行怖諸危難餐那曰菩薩之  
行其義如是王或見我不見太子必生憂惱如致大  
病其事云何菩薩言我今出家行菩提分法布施持  
戒忍辱精進禪定智慧成就十力四無所畏豈令父  
母得不吉耶作是語已卽從座起合掌頂禮舉手執  
劔如優鉢羅花葉卽自截髮擲虛空中天王帝釋運

大神力以手接髮與諸天子安初利天如法供養後  
有淨信婆羅門長者居士於此山地起立塔廟

爾時菩薩截髻髮已問餐那曰汝意云何可能任此  
同修行不餐那曰王族之意不令任此何敢固違菩  
薩卽以萬字福相百千威德之手摩迦蹉迦馬王頂  
授菩提記令彼餐那歸迦毗羅城行七晝夜至二更  
初到於城外園苑之中王勅宮人眷屬至園迎接唯  
見馬王不見太子時宮嬪眷屬俱向馬前抱馬王頂  
高聲啼哭迦蹉迦馬聞是哭聲心思太子悲淚傷痛  
經須臾間廻顧兩邊卽乃命終以宿因緣生六業婆

羅門家利根結薄聰明多智太子成佛之後卽詣佛  
所聞法悟道得無生忍

爾時菩薩而復思惟我今落髮作沙門相云何身上  
得袈裟衣如是念已阿耨波摩城中有一長者眷屬  
熾盛財富無量如毗沙門家有十子人相端嚴智慧  
聰利俱樂出家淨修梵行因觀外境遷變無恒成辟  
支迦父亡之後老母信重製一袈裟施辟支迦子白  
母曰我當不久入於涅槃今此袈裟我若受之無所  
使用去此不遠有淨飯王子名悉達多不久得成阿  
耨多羅三藐三菩提以此袈裟奉彼菩薩能令老母

得大果報說此語已運大神通於虛空中現其雲雷  
閃電風雨然後化火焚身入圓寂界是時老母臨將  
捨壽所持袈裟付與一女令奉菩薩此女忽然身得  
病患臨無常時安置樹上告樹神言以此袈裟與我  
奉彼淨飯王子悉達多時帝釋知是事已自變其身  
爲一獵士手携弓劍披此袈裟見太子來坐於路傍  
太子問曰汝是獵師云何身上有此僑尸迦衣細妙  
法服可以與我獵人告言唯此袈裟我非愛樂今欲  
與汝是服微妙恐人侵奪傷汝性命菩薩告言一切  
世間知我威力汝但施服勿懷憂慮帝釋天主卽復

本形頭面禮足乃以袈裟奉上菩薩授已卽披與身  
不等帝釋見衣不平等心自懷疑作是念時菩薩威神  
令其袈裟與身相等忉利諸天歸命供養婆羅門長  
者於後彼處建立塔廟恒有苾芻往來禮拜爾時菩  
薩威儀具足漸次經行見一仙人名婆哩誡囀以手  
揩顙顏容不悅菩薩問言於意云何仙人荅言我此  
任處有多羅樹花果繁盛其味甘香忽然乾枯令我  
煩惱菩薩復問仙人任此本爲修行花果枯朽致愁  
悶耶仙人聞已心忽惺悟又見一菩薩色相端嚴瞻  
仰戀慕而復問言汝是出家菩薩不菩薩荅言汝見

分明婆里誡囀卽斷疑惑法眼開淨請菩薩坐而以  
花果如法供養經須臾間菩薩復問迦毗羅城去此  
遠近仙人荅言從茲至彼十二由旬菩薩思惟城邑  
不遙如釋種來必作魔難卽別仙人過碗伽河往王  
舍城以自工巧採取樹葉作爲鉢器入城持鉢時民  
彌娑囉王在高樓上遙見菩薩身相端嚴威儀寂靜  
體挂法服手持應器巡門乞食而興歎言王舍城中  
所任之人無有如是威儀色相今此苾芻當非庶人  
下族之類應是王種捨位出家滅除罪業修持淨命  
爾時菩薩持鉢出城往一山中以鉢置地端坐入定



思惟民彌婆囉王見我發心必有異意作是念時王  
告大臣我於樓上見一苾芻身相端嚴威儀調順非  
是庶人下族所生汝當訪尋今在何處卽時遣使往  
至山間見此苾芻安詳而坐國王知已躬自臨幸接  
見瞻仰心生歡喜因告言曰汝之身貌甚是端嚴若  
爲苾芻不相宜稱我有宮殿樓閣嬪妃美女最上富  
貴與汝受用勿作苾芻汝身何姓有何種族爲我宣  
說菩薩曰言雪山相近有迦毗羅城我之父王姓刹  
帝利名曰淨飯方理是國我須捨棄君父爲求菩提  
若是愚癡貪愛之人假使世間并四大海滿中珍寶

猶尚不足譬如大火然於乾薪貪愛身心亦復如是  
大王我觀此物由如冤家亦如毒蛇一切憂惱怖畏  
根本大王假使大風而能吹動一切諸山於蘇迷盧  
終不能動假使世間所有珍寶最上資財國城妻子  
象馬僮僕而能惑亂一切人心而於我心終不能動  
唯涅槃解脫是真究竟爾時民彌婆囉王言汝今於  
此有何所求菩薩告言我求阿耨多羅三藐三菩提  
王言若成菩提願賜攝受菩薩荅言如是如是王生  
歡喜復歸本處爾時菩薩往鷲峯山山側非遙而有  
仙人勤修梵行能以一足履地任經一日菩薩聞之

亦以一足履地住經兩日仙人復以五熱炙身立經  
一日菩薩於是立經兩日時彼仙人互相驚怪降伏  
稱讚此是修行此是大沙門菩薩問言汝等修行於  
何所求一云我求帝釋一云我求梵王一云我求魔  
界之身爾時菩薩卽自思惟今此仙人所修之行皆  
是邪道非我所依我今於此不求帝釋不求梵天不  
求魔界本爲宿願利樂衆生求成佛果道旣非眞宜  
應捨彼

佛說衆許摩訶帝經卷第五

終

休寧縣信童朱石麟 石麟 信女邵氏助刻  
衆許摩訶帝經第五卷 計字四千二百個 該  
銀二兩一錢 伏願  
伏經切超脫直趣 無生藉佛光引接徑登安養  
海虞釋常孚對  
崇禎九年季夏月徑山化城寺識

佛說衆許摩訶帝經卷第六

宋吳譯經三藏朝散大夫試鴻臚少卿明教大師臣法賢奉

詔譯

爾時菩薩卽往阿囉拏迦羅摩處而學道法至已合  
掌擎拳致問汝宗行法其義云何阿囉拏迦羅摩曰  
我昔精進修習定慧至有想天三摩地門皆悉通達  
汝何不知菩薩卽時思惟羅摩所得智慧及有想天  
三摩地門真實不虛復自念言我於此法云何未得  
經剎那頃禪定智慧皆獲成就而告言曰汝宗行法  
今我已得時阿囉拏迦羅摩觀彼菩薩所得之法如  
實無謬尊重恭敬如自本師卽以最上香花珍果一

心供養菩薩復思今此行法而未究竟非爲正道卽  
乃捨去往烏捺囉迦囉摩子處學修行至已頂禮  
合掌問曰汝所得法是義云何時烏捺囉迦囉摩子  
言我昔精進修習智慧至非非想處三摩地門久已  
證得汝何不知菩薩聞已卽觀彼人所修智慧及非  
非想處三摩地門而無虛謬復自思惟我於此法云  
何未得作是念時俱獲成就卽乃告言汝之法行我  
今亦得時烏捺囉迦囉摩子心未信許諦意觀察如  
實無謬崇重供養過於本師爾時菩薩又自思惟此  
之法行亦未究竟非真覺路速須捨彼別求明道時

淨飯王臨御正殿憶念太子未知所止情懷憂惱近  
臣奏云離王舍城往烏捺囉迦囉摩子處單身介立  
勤求道法王旣聞已心轉悲傷卽遣親人三百往彼  
侍從時天指城酥鉢囉沒馱王亦遣二百人往彼侍  
從此五百人王已禮足圍繞瞻仰菩薩自念棄捨王  
宮居山寂靜結志修習求甘露滅今此人衆晝夜煩  
雜而妨聖道唯留伯叔舅氏五人餘遣廻國菩薩卽  
時將此五人往誡耶仙人聚落名烏嚕尾螺西曩野  
彌側近經行觀眺寂靜之處尼連河次見一林野地  
土平正樹木幽閑如月清涼呼爲聖地告五人曰善

男子若人於此修諸梵行未證寂滅不久證得我今  
依止求無上道卽於樹下結跏趺坐學修禪觀閉口  
齧齒舌在上腭收攝心神如手握物經良久間毛孔  
出汗精進不退念定相應專注一心引發無漏而不  
現行復修別觀跏趺而坐合口閉目舌在上腭屏住  
氣息令不入良久之間氣逼頭頂疼痛至甚如錐  
刺腦受斯大苦心不顛倒亦不散亂堅固精進念定  
現前專注一心引發無漏而不現行如是息氣漸次  
運動從頭頂下至兩耳門痛楚復增如地獄苦菩薩  
爾時心不顛倒亦無散亂策勤猛利念定現前一心

專注引發無漏亦未現行又復閉息外忘視聽氣積  
臟腑脹滿徧身苦惱至極無以方比菩薩爾時心不  
顛倒亦不散亂堅進修習念定現前專注一心引發  
無漏而不現行如是修已又自思念我於今後斷絕  
飲食時有天子遙已觀知告菩薩言我此色身毛孔  
之內而有天上細妙珍食堪充供養菩薩告曰如我  
所食本非葷辛食出汝身亦非清淨若令我食必墮  
地獄天子但以隨方所有或米或豆聽汝豐儉以作  
供獻我卽受之天子奉教以穀爲膳菩薩食已身體  
羸瘦顏容憔悴心無苦惱亦無退失發精進意念定

現前專注一心引發無漏亦未現行又節所食身轉  
羸惡兩目深陷如井現星菩薩爾時心無苦惱亦無  
退失發精進意念定現前專注一心引發無漏亦不  
現行又於所食減令極少或一豆一麻一米一麥如  
是食已身力轉乏若行若步一起一倒

爾時菩薩精進無退念定現前專注一心引發無漏  
亦不現行而復思惟此行非真未至究竟作是念時  
有二天子詣菩薩前見其形容困憊變異各述菩薩  
顏貌不同或言黑色或紫綠者菩薩聞已復自思惟  
我於此方如是勤苦容色變異終無所獲若求正覺  
何在節食正見相應取捨能忘是正菩提是真究竟  
譬如濕柴體雖滋潤若遇火然必生熾燄又如婆羅  
門家雖行欲心無所著亦得解脫我今亦爾若依正  
法行無所著必證菩提

時淨飯王知彼太子在山野中精勤苦行日食麻麥  
求無上道涕淚悲泣心懷痛惱與酥鉢囉沒馱王各  
遣二百五十人侍衛給使時耶輸陀羅忽然懷妊王  
卽告諭宮人眷屬自今而往不得說言太子在山苦  
行之事慮彼傷惱損動腹子

爾時菩薩往尸陀林中右脅枕屍累足而卧思想世

間有爲生滅如蟻循環無有窮盡思已復坐入三摩地時有童男童女而來林下瞻見菩薩閉目不動手執柴枝穿菩薩耳兩邊通過俱作是言此塵土鬼不得親近卽以砂石瓦礫擲菩薩身而各捨去經須臾間出三摩地正念現前身心不動又自思惟今此所作亦非正行於無上道而不相應憶念昔日爲太子時暫出王宮往瞻部樹下入三摩地彼處清淨遠離罪垢無諸穢惡出生善根於彼修行必圓道果作是念已卽便舉身欲在前行氣力羸劣而不能起卽取飲饌并湯藥等節次服食仍以香油塗其身體澡浴

眠寢安適身心增長勢力時彼五人而相謂曰昔者太子捨輪王位出迦毗羅城入山野中又茲苦行道果將就節志不堅何期於今恣情飲食香油塗體澡身安寢如是虧喪云何出離我等於此虛捐其功聞波羅奈國有鹿野苑羅漢聖衆恒住其中宜往彼處各求明道

爾時菩薩浴尼連河水體羸力弱舉步攸艱岸樹垂枝攀而得出卽往西曩野你聚落之所其聚落內有二童女一名難那二名難那末羅身色端正心性慈善頃聞太子在雪山下婆伽囉底河邊迦毗羅仙人

處學修梵行具三十二相福德莊嚴深心悅慕願爲  
匹偶布施修福求遂所願爾時童女聞尼連河側有  
苦行仙人遂發勤誠欲施乳粥卽以千牛分爲兩群  
聲五百牛乳飲彼五百牛復以五百分爲兩群聲二  
百五十牛乳飲二百五十牛如是分飲至八頭牛復  
聲八牛之乳最爲濃厚用玻璃器煮乳糜粥於乳糜  
上現莎惹帝迦萬字千輪輻相時有一人見此輪相  
而自思念若人得食速證無上菩提之果

卽告童女我今饑渴當以糜粥而施於我童女白言  
吾作此食施苦行仙人非汝可取時天上帝釋卽自

化身爲婆羅門住立女前女以乳粥欲布施與婆羅  
門曰我不敢受有世主大人宜應供養童女復問世  
主何人婆羅門言去此匪遙有大梵王童女承言卽  
詣彼處以粥奉施大梵王曰我不敢受有淨光天子  
最上殊勝汝宜供養女復往彼以粥布施淨光天子  
言我不敢受有一菩薩浴尼連河身乏氣力以手攀  
樹出河岸上被袈裟衣將成佛果若能供養得大勝  
利童女聞已卽時馳往以鉢盛粥虔心上獻菩薩默  
然而受其供養已擲鉢入尼連河龍王至前欲取鉢  
器帝釋化身爲金翅鳥龍卽驚退帝釋得鉢安切利



天建塔供養爾時菩薩問二童女施此乳糜有何所  
求童女答曰我聞雪山相近婆伽羅河側迦毗羅仙  
人住處有淨飯王童子身相端嚴當作輪王欲求爲  
夫菩薩告言彼童子者夙修梵行離欲清淨名一切  
義成不久之間當得菩提云何與汝而爲夫耶童女  
聞已默然住立菩薩舉身登一石山峭峻孤拔林樹  
甚衆於此安坐未逾時刻山卽摧毀菩薩驚恠茲何  
業緣時淨光天子白菩薩曰萬行今圓四智將就此  
地薄祐而不能勝去此不遠有金剛座三世如來成  
正覺處菩薩卽往天人引前足下生蓮海水泛潮大

地震響聲如扣鐘菩薩徐行至一大窟內有異龍昔  
無兩目聞地震海潮卽時出窟雙眼頓明得見菩薩  
身相端嚴光逾聚日龍大歡喜瞻視戀仰而說偈言

地震海潮俱作聲

我今聞速離宮殿

忽得光明見如來

一心瞻仰生歡喜

爾時龍王告菩薩言憶念昔時有佛出世時我兩眼  
俱得光明見彼世尊今亦如是復得眼開見佛身相  
卽說偈言

我昔承佛大威德

今我得覩相好身

必遇牟尼覺道成

見佛端正亦如是

爾時菩薩欲至金剛座先舉右足行如牛王身若寶  
山袈裟不動心等虛空面如滿月金光照耀蘊大法  
藥靈禽異獸右旋隨轉有如是等十種祥瑞菩薩思  
念以吉祥草鋪金剛座天王帝釋卽現化身往香醉  
山取吉祥草其草柔軟如兜羅綿詣菩提樹前陳金  
剛座上

爾時菩薩舉相好身登金剛座結跏趺坐而發誓言  
我不起此座直至漏盡正意繫心入三摩地時魔宮  
中有二種旗一名喜相二名疑相動有所表時疑相  
旗忽然搖動魔見驚疑慮有不吉卽作觀想知淨飯

王子悉達多坐金剛座求無上覺時魔波旬生嫉妬  
心變身爲人詐作淨飯王書至菩薩前致敬問訊云  
何任此久不歸還提婆達多入太子宮恣行非法及  
殺釋種菩薩初聞生三種不善尋思媿欲親里殺害  
及起瞋恚知魔所作復成三善一離欲二不殺三無  
瞋魔復問言云何坐此菩提樹下佛言我求無上智  
魔言無上之智汝何得之佛言汝是魔罪之人設一  
婆羅門供尚得自在報應我經三大阿僧祇劫捨無  
數百千那由他俱胝頭目髓腦國城妻子金銀珍寶  
利益衆生求無上智云何不得魔言我設一婆羅門

會得富貴自在汝能與我爲證汝經三大阿僧祇劫  
捨頭目髓腦等利益衆生求無上智誰證於汝爾時  
世尊於金剛座上卽展右手金剛莎帝迦萬字網鞞  
之相作無畏印觸地面上告言爲我證明時地天神  
從地涌出合掌唱言魔王我佛往昔經三大阿僧祇  
劫捨無數百千那由他俱胝頭目髓腦國城妻子金  
銀珍寶利益衆生求無上智真實不虛汝魔勿疑魔  
王聞已心懷驚怖默自思念若令菩薩成道侵我境  
界奪我威光旋歸天宮別作魔計卽化三女端正莊  
嚴來於佛前窈窕逶迤詐爲瞻仰而欲魔魅佛以神

力變成老母髮白面皺陋惡疍羸以鏡照之慚赧而  
退魔王見已恨事不成心生熱惱卽時統領三十六  
俱胝鬼魅兵將身披鎧甲手執槍劔及弓弩繃索種  
種器仗復集毒龍猛獸象馬水牛虎狼野干等奔聚  
同行又於空中現雲雷電閃霹靂風雹四面一特逼  
惱侵害佛眼視之怒彼愚迷入慈心定卽時淨光天  
子於虛空中變大金蓋覆徧空中遮止風雹刀劔弓  
箭種種器仗俱作天花所謂優鉢羅花鉢納摩花俱  
母那花奔荼利迦花繞金剛座如供養佛卽於三摩  
地運神通力合多成一以一爲多上虛空中行任坐

臥身上出水身下出火履水如地等種種神變已復  
觀彼衆布捺誡囉邪見疑惑貪欲瞋恚愚癡等及彼  
有情離欲著欲有想無想等引近分解脫非解脫如  
是等法通達明了以宿命通觀魔等有情過去父母  
一生二生百生千生乃至增劫減劫無數之劫世界  
國土族姓眷屬富貴貧賤長壽短壽命終生處無不  
證知以天眼通觀魔等有情未來諸趣生死因果及  
身語意等善不善業受報好醜究竟明了又復思惟  
欲界色界無色界苦集滅道四諦行相若染若淨分  
別俱生根隨諸惑如是思已無漏智觀速得現前見

修二道頓捨不生成無上覺

爾時魔衆卽皆退散復告淨飯王曰悉達多太子於  
金剛座上而得無常王旣聞已與諸眷屬悲啼懊惱  
迷悶倒地時有天人告淨飯王太子已成無上菩提  
王聞是語心大歡喜及奏王云甘露飯王生其一子  
耶輸陀羅亦生一子王諸眷屬皆大踊躍

爾時淨飯王勅諸臣僚令街巷道陌掃灑清淨燒衆  
妙香豎立幢幡真珠瓔珞於城四門皆聚金銀珍寶  
種種財物施諸沙門婆羅門及諸外道貧乞之人爲  
作福祐甘露飯王生子之時眷屬歡喜名阿難陀耶

輸陀羅生子之時月有蝕障名羅護羅時淨飯王言  
耶輸之子非佛之種耶輸聞已恒懷憂惱王宮後園  
池岸一石名菩薩石羅護羅坐石作戲母忽見之而  
立誓言若是佛種願水不溺如非佛種即沉水下作  
是誓已以手推石子亦隨落石浮水面子猶作戲時  
淨飯王與諸眷屬來至岸上見子如是心大歡喜讚  
言善哉甚為稀有爾時大地震動佛光普照幽闇之  
處所有眾生互得相覩歸命頂禮  
佛說眾許摩訶帝經卷第六終  
音釋

涎

徐連切蝕音腕烏貫切徐正切餐千切鞞披

切

硃硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

硃

硃丘切硃石地也顯桑才切眺他弔切齧

經 卷四 命四



休寧佛弟子成容 助刻 計字四千六十  
該銀二兩零二分  
六根雪淨三障水清生生啟悟妙心世世弘開道  
崇禎九年季夏月徑山化城寺識

